

Decembar 2020.



Informacije iz Danske uprave za zdravstvo o ponudi za vakcinaciju protiv bolesti COVID-19



Danska uprava za zdravstvo šalje ovo pismo svim državljanima starijim od 18 godina kako bi ih obavijestili o vakcinaciji protiv bolesti COVID-19. Pismo sadrži opće smjernice o vakcinaciji protiv COVID-19 i daje odgovore na neka od vaših pitanja o programu vakcinacije i o tome gdje pronaći ažurne informacije.

COVID-19 je bolest koja može utjecati na bilo koga. Za neke osobe bolest može biti teška, a vakcinacija može pomoći u sprječavanju bolesti. Vakcinacija će biti važno novo sredstvo u našim nastojanjima da kontroliramo epidemiju Covid-19.

Vakcinacija protiv COVID-19 će biti i besplatna i dobrovoljna.

Ukratko:

- Vakcinacija protiv bolesti COVID-19 će uskoro početi, a među prvima kojima će biti ponudena vakcinacija su naši najstariji građani, kao i osoblje u zdravstvu i osoblje za njegu bolesnika.
- U početku nećemo dobiti dovoljno vakcina za svakoga, pa će proći još neko vrijeme prije nego se vakcinacija ponudi svakome. Kada vi budete na redu da se vakcinišete, bit ćete obaviješteni putem Digital Posta na borger.dk i e-boks.dk. Ako ste izuzeti od primanja Digital Posta, pismo ćete dobiti poštom.
- Regioni će uspostaviti centre za vakcinaciju širom zemlje gdje će se većina državljana moći vakcinisati. Neke osobe će biti vakcinisane lokalno, na primjer, u staračkim domovima ili na svom radnom mjestu ako rade kao zdravstveno osoblje ili osoblje za njegu bolesnika.

Ko bi se trebao vakcinisati?

Cilj je da se svakome u Danskoj, za koga su vakcine odobrene, ponudi vakcinacija. Ne očekujemo da vakcine budu odobrene za upotrebu na, na primjer, trudnicama, dojiljama ili djeci, zbog čega tim grupama neće biti ponudena vakcinacija.

U početku, nećemo primiti dovoljno vakcina za sve. Stoga ćemo u početku dati prednost vakcinaciji onih koji su najviše izloženi riziku od teške bolesti COVID-19 – uključujući vrlo stare osobe, rezidente u staračkom domu, te starije osobe koje su izložene riziku zbog, na primjer, već postojećih stanja ili bolesti. Prioritet će imati i osoblje u zdravstvu i njezi starijih osoba koje ima bliski kontakt sa najranjivijim kategorijama i koje obavlja kritične funkcije. Ipak, što se više vakcina isporuči tokom 2021. godine, vakcinacija protiv bolesti COVID-19 će se ponuditi sve većem broju grupa.

Kako se možete informisati o ponudama za vakcinaciju?

Ustanova ili uprava će obavijestiti rezidente staračkih domova i osoblje u zdravstvu i ustanovama za njegu starijih osoba. Ako ste izloženi većem riziku, na primjer, ako ste starija osoba i ozbiljno bolesni, može vas kontaktirati vaš liječnik ili bolnica.

Starijim osobama će biti ponuđena vakcinacija prema datumu njihovog rođenja, a o tome će biti obaviješteni putem Digital Posta na borger.dk i e-boks.dk. Ako ste izuzeti od primanja Digital Posta, pismo ćete dobiti poštom.

Kada vam se ponudi vakcinacija protiv bolesti COVID-19, također ćete dobiti i informacije o tome kada možete biti vakcinisani. Ako morate sami da rezervišete vakcinaciju, dobit ćete informacije o tome kako da to uradite.

Gdje će se vakcinacija obavljati?

Regioni će uspostaviti centre za vakcinaciju širom zemlje u kojim će većina biti vakcinisana. Neki će biti vakcinisani lokalno, na primjer rezidenti u staračkim domovima. Mnogi od osoblja u sektoru zdravstvene njege i njege za starije osobe bit će vakcinisani na njihovom radnom mjestu – na primjer u bolnici, staračkom domu ili nekom od regionalnih centara za vakcinaciju. Vaš poslodavac će vas obavijestiti. Zdravstvenim profesionalcima itd. koji rade izvan bolnice bit će ponuđena vakcinacija u centru za vakcinaciju.

Kako vakcina djeluje?

Prve vakcine koje primimo temelje se na takozvanoj mRNA tehnologiji. Vakcine daju imunološkom sistemu pregled o tome kako pravi virus izgleda bez izazivanja bolesti i ovaj pregled daje imunološkom sistemu vrijeme potrebno da napravi snažna antitijela koja mogu neutralizirati pravi virus ako se ikada zarazite. Međutim, i dalje je nejasno hoće li svi biti u potpunosti zaštićeni, a nama još nisu pruženi dokazi o tome koliko dugo će zaštita trajati, ali ćemo steći više znanja na tekućoj osnovi. Budite uvjereni da ćemo koristiti samo odobrene vakcine, da nijedna vakcina nije odobrena za upotrebu prije nego što su i efikasnost i sigurnost temeljito dokumentovani kroz obimne naučne studije i ispitivanja, a koristi će daleko nadmašiti bilo kakve negativne nuspojave.

Dugoročno će biti odobreno nekoliko različitih vakcina protiv COVID-19. S obzirom na to, može doći do razlika u tome koja vakcina se može dati različitim pojedincima. Više o ovome možete pročitati na internet stranici Danske uprave za zdravstvo, www.sst.dk/covid-vaccination-eng

Daljnje informacije

Više možete pročitati i uvijek pronaći najnovije informacije o vakcinaciji protiv COVID-19 na našoj web stranici: www.sst.dk/covid-vaccination-eng

Nastavite slijediti smjernice Danske uprave za zdravstvo

Iako ćemo uskoro moći vakcinisati protiv bolesti COVID-19, potrajat će neko vrijeme prije nego što se dovoljno ljudi vakciniše. Stoga je i dalje važno da svi i dalje slijedimo opće smjernice o tome kako spriječiti zarazu u društvu u mjesecima koji dolaze:



Pozdrav,



Søren Brostrøm

Generalni direktor, Danska uprava za zdravstvo